



# **Universitätsbibliothek Paderborn**

**Triapostolatvs Septemtrionis**

**Caesar, Philipp**

**Coloniæ Agrippinæ, 1642**

23. Quòd in eadem Legatione Missum & Signum Horici Regis habuerit,  
populum inuenerit errore confusum.

**urn:nbn:de:hbz:466:1-43650**

quia glorificabit te. Hanc ergo visionem Ser-  
uus Dei cùm antè profectionem illam longè  
vidisset, certum tenebat animo, Dei se impe-  
rio ad partes illas incitari. Et maximè in verbo  
quod dictū est illi: Audite Insulæ; quia omnis  
ferè patria illa in Insulis est constituta. Et quod  
subiunctum est: Eris illis in salutem usque ad  
extremum terræ; quia finis mundi in Aquilo-  
nis partibus in Sueonum coniacet regionibus.

## C A P V T XXIII.

*Quod in eadem Legatione Missum & Signum Ho-  
ri Regis habuerit, & populum imtenerit  
errore confusum.*

**P**rofectionem itaque hanc suscepturnus,  
iam dicti Regis Horici Missum pariter  
& Signum secum habuit, qui Regi Sueonum  
nomine Oleph, de parte sua mandatum tale  
intimare iussit, Seruum Dei sibi per omnia  
cognitum esse, ac se in vita sua nunquam tam  
bonum hominē vidisse, nec in quolibet mor-  
talium aliquando tantam fidem inuenisse: id-  
eoque cognita eius Sanctissima bonitate,  
omnia quæ ille in Regno suo causâ Christiana-  
næ religionis disponere vellit se ei concessisse;  
ipsumque petere, ut similiter in Regno suo ei  
permitteret culturam Christianitatis, quam  
optabat statuere. Suscepturn itaque peragens  
iter, 20. fermè diebus nauigio transactis, venit  
ad Bircam, ubi inuenit Regem & multitudi-  
nem populi nimio errore confusam. Instigate  
enīma

G 3

**Falsus Propheta diabolica proposita resistit s. Ansgario in Suedia.**

enim diabolo aduentum Beati viri omnimos dis præsciente, contigit eo ipso tempore, ut quidam illò adueniens diceret, se in conuentu Deorum, qui illam terram possidere credentur, affuisse, & se ab eis missum, ut hæc Regi & populis nunciaret. Vos, inquam, vobis

propitios nos diu habuistis, & terram incolatus vestri cum multa abundantia nostro adiutorio in pace & prosperitate longo tempore tenuistis. Vos, inquam, nobis sacrificia & vota debita persoluistis, grataque fuerunt nobis obsequia vestra. At nunc & sacrificia solita subtrahitis, & vota segnius offertis, & quod magis displicet nobis, alienum Deum super nos introducitis. Si itaq; nos vobis propitios habere vultis, sacrificia augete & maiora vota persolute: alterius quoque Dei culturam ne apud vos recipiatis, & eius seruitio ne intendatis. Porrò etiam si plures Deos habere desideratis, & nos vobis non sufficimus, Eri cum quendam Regem vestrum nos vnanimes in Collegium nostrum ascissimus, ut sit unus de numero Deorum. Hoc ergo diabolicum mandatum publicè denunciatum in aduentu Domini Episcopi mentes cunctorum perturbat, & error nimius corda omnium confuderat. Nam & templum in honore supradicti Regis dudum defuncti statuerunt, & ipsi tanquam Deo vota & sacrificia offerre coeperunt. Aduenientes itaque illuc Dominus Episcopus & qui cum eo erant, ab amicis suis quondam ibi co

**Rex Ericus deificandus.**

ibi cognitis querere cœpit, quomodo Regem  
super hac re interpellaret. Qui omnes toto a-  
nimō contradicentes, asserebant nihil omnī-  
nō ea vice Legationem proficere posse; sed si  
aliquid haberet p̄c̄ij, eā ratione illum date  
debere, ut viuus inde euaderet. Quibus ille:  
Non, inquit, pro vitæ meæ redētione ali-  
quid hic daturus sum, quia si Dominus Deus  
meus ita disposuerit, pro eius nomine paratus  
sum hic & tormenta subire & mortem pati.  
Cū ergo pro hac re in magna esset positus  
anxietate, tandem accepto consilio, Regem  
ad suum inuitauit hospitium: Cui conuium  
exhibens, dona quæ potuit obtulit, & Lega-  
tionis suæ mandata retulit. Dele etatus itaque  
Rex & Caritatis eius benivolentiâ & mune-  
rum datione, ad ea quæ suggesserat, respondit:  
Antea hic fuerunt Clerici, qui populari hinc  
seditione, non Regio iussu electi sunt. Qua-  
propter & ego hanc Legationem tuam con-  
firmare non possum, nec audeo, priusquam  
sortibus Deos nostros consulam, & populi  
super hoc voluntatem interrogem. Sit Missus  
tuus in Placito tecum proximo, & ego pro-  
te loquar populo; sic quippe apud eos moris  
est, vt quodcumque negocium publicum  
imagis in populi vñanimâ voluntate, quam  
in Regiâ consistat potestate. Hoc ergo Pater  
noster responso Regis accepto, totum se ad  
Domini conuertit refugium, ieunijs & ore-  
tionibus vacans, atque in contritione cordis

*Anicet dñs.  
fundens 8.  
Ansgario  
predicatio-  
news.*

*Rex Svedie  
coniuia 8.  
Ansgarij.*

semetipsum in conspectu Dei humilians.

## C A P V T XXIV.

*Qualiter cognouerit gratiam Dei secum comitari,  
& de consensu populi, ut Christianitas apud  
eos haberetur.*

**V**erum ipso inter has pressuram angustias posito, cum dies Placiti appropinquaret, quadam die inter sacra Missarum solemnia, dum Sacerdos altari astans Mysteria sacra benediceret, illi in terram prostrato, cœlestis effusa est inspiratio. Siquidem Spiritus Sancti dono interius roboratus, & fiduciâ maximâ in animo confortatus, cognouit sibi prouentura omnia ut vellet. Vnde eidem Sacerdoti sibi in omnibus familiarissimo post Missam denunciauit, Nihil trepidationis se habere debere, quia secum gratia Dei comitaretur. Quam mentis eius illustrationem Frater ille satis recognouit; quia taliter eum diuinitus consolari, multis ante probauit indicijs. Hanc ergo animi eius fiduciam statim rei confirmauit euentus. Nam Rex congregatis primò Principibus suis, de hac patris nostri Legatione cum eis tractare coepit. Qui sortibus querendum statuerunt, quæ super hoc Deorum esset voluntas. Exeuntes igitur more ipsorum in campum miserunt sortes: ceciditque sors, quod Dei voluntate religio Christianorum ibi fundaretur. Quod factum unus ex Primoribus, amicus Domini Episcopi, statim ei

*sors pra. S:  
Ansgario.*